

Botschaft an Kantonsrat

Schlussfolgerung (Autorin: Sarah Camenzind)

Also, bitte liebi Erwachseni vu hütt, wenn sogar mier Junge scho über Energie nachedenkid wers doch guet au endli öppis zmache. We d'Regula au scho verzellt hett, chamer ja ganz eifach Energie spare. As Schüeleri vo de Mps Rothethurm hanich gseh, we liecht das es isch, will mier hend sitemene Jahr gad echii Energie gspart nämlich 16% im Strom und 11% bim heize. Und au wenss i dem Thure obe, no so chalt gsi isch hends mier schön warm gha im Schuelhuus inne. Au hemmer nid müesse mit Cherze Ufsätz schriibe. Und das erscht sitemene Jahr. Sit mier besser über Energie uflklärt worde sind. Also klärid au die andere Lüüt besser über d'Energie uf, de chömer i Zuekunft au uf d AKW's verzichte, die sind z'grosse Gfähr für üs alli. Sii hend ja ghört, was d'Anja gseid hett, wenss eifacher wär selber ernüerbari Energiee z benutze, hättid scho lang e huffe Privatilüüt öppis gmacht. Aber vill isch eifach z kompliziert uf üsere Welt.

Was ich mich au frage isch, warum stahet eigentlich üse Kanton Schwyz bi MuKE n am Schluss, wenss um energie gahd?? S'Schlussliecht spiile isch etzt amel nid gad e so luschtig. Schuscht amigs simmer ja wiit zvorderscht inne. Mier sind ja alles recht energie volli Lüüt de chöntemer au eisch en Alpinepfad benutze oder grad en Klettertour mache – wies d'Expärte vorschländ, statt numä 1 von 8 Aktionspunkt bi MuKE n.

Mier fändids alli guet wenn mer bis spätschtens vor Wiehnachte es Feedback vo Ihne überchäm did, will mier wettid halt scho wüsse was etzt all üsi Arbeit bewirkt hett. Danke villmal fürs zuelose und wenn öppis nid gad lieb dure cho isch tueds üs nur insofär n leid, dass mier wend aschtändig sii und bliibe, aber i dä Sach klar forderät, dass de Kanton Schwyz us äm Energie – Dornröslischlaf verwachet. Es gaht um üsi Zuekunft. Will au mier hend sicher eisch chind und dene sötts de au no gfalle uf dere Chugele.

Die ganz Red stahet uf üsere Homepage, de Link stahet uf em Flyer womer nacher verteilid. Also söttid Sie de halt scho aluege. Und wenn sie irgendwo i üsere Red oder au schuscht en Rechtschriibfehler gfindet, schenkid mier de Ihne.

Danke villmal

Mitgewirkt haben:

Alle Mittelpunktschulen des Bezirks Schwyz und das Kollegium Schwyz